

Sion exhibit lex et verbum Domini de Hierusalem'. Inde luceat lux vestra coram 800—801 hominibus, ut videant opera vestra bona et glorificent patrem vestrum, qui in caelis est. *Matth. 5, 16.*

Sanctitatem vestram pro sancta Dei ecclesia intercedentem dominus noster Iesus Christus exaudire dignetur et in omni bono ad multorum proficere faciat [salutem]^a,
 5 domine patriarcha honorandę et desiderantissime pater, sed ut pro nostris filiis^b intercedere digneris, deprecor: pro Symeone episcopo¹, pro Onie et Martino sacerdotibus et Nathanaheli archidiacono² et ceteris, qui nobiscum sunt, qui pro vestra beatitudine intercedere non desistunt. Opto, valete in nomine domini dei Iesu Christi in aeternum.

211.

Alcvinus Carolo regi scribit, allato nuntio de Maganfredi camerarii morte, fratres
 10 *S. Petri a se petiisse, ut eum cellulas quasdam et atrium rogaret. Obsecrat, ne exercitum perniciosam expeditionem in Beneventanorum fines facere iubeat. 800—801.*

Codd. T fol. 43—44 (T fol. 39)^a.*

Edd. Q 24, F 105, J 156. — Migne col. 370.

Gloria et laus Deo omnipotenti pro salute et prosperitate vestra, dulcissime mi
 15 David. Atque pro omni honore et sapientia, in quibus te speciale gratia omnibus superexcellere fecit, perpetua gratiarum actio resonet. Et assidua^b sanctarum intercessio orationum ad Deum dirigatur, quatenus longeva prosperitate feliciter vivas valeas et regnes ad correctionem et exaltationem sanctae suae ecclesiae^c, ut sub protectione tuae venerandae potestatis segura quiete deo Iesu deserviat.

20 Effudi pridem preces supplicationis meae per Candidum famulum vestrum³, quas precor clementi animo vestram suscipere pietatem. Quicquid animus suggessit meus mihi, totum misi in aures eius, ut conservaret in corde vestraeque veredico ore patesceret pietati.

Sed novi rerum eventus novos iterum caritatis penna exarare meam devotionem
 25 apices exhortantur. Audivi siquidem, quod sine dolore et lacrimis non dicam, Maganfredum fidelem vestrum⁴, nobisque carissimum amicum⁵, in Beneventana diem obisse⁶ patria⁷. Unde rogatus sum a fratribus Sancti Petri⁸ litteras dirigere bonitati vestrae pro cellulis ad eam antiquitus pertinentibus^d ecclesiam, ut merces vestra esset ex illarum aliquibus, si vestrae videatur providentiae; similiter et pro atrio intra muros
 30 civitatis⁹, unde fratribus Sancti Petri habitatio^e honesta construi potuisset. De his omnibus vestra consideret bonitas: quid Deo placeat vestroque nomini^f honorabile fiat et bonitati amabile.

Sed multo maior et plus necessaria populo christiano causa occurrit preces prostrato effundere corpore ante pedes pietatis vestrae. Primo, ne irascaris fidelissime caritati

35 ^a) salutem supplet Frobenius; utilitatem coni. Bethmann. ^b) filios c.

211. ^a) Lemma: Item alia eiusdem ad eundem de prosperitate Pauli christiani providentia T. ^b) assiduas T. ^c) om. T. ^d) pertinentes T. ^e) habitatione T. ^f) nomine T.

1) Eanbaldo II archiepiscopo Eboracense inde ab anno 796; cf. p. 347 n. 4. 2) De Martino v. supra p. 66 n. 5, de Onia infra epp. 276, 277, de Nathanaele (id est Fridugiso) supra p. 237 n. 6, p. 249. 3) Ergo
 40 non multo ante, quam haec epistola scripta est, Candidus ad Carolum in Italiam ierat, cf. infra epist. 216.
 4) camerarium Caroli regis; v. supra p. 159 n. 1. 5) V. ep. 111 supra p. 159: Dilectissimo in Christi caritate amico cet. 6) sine dubio exeunte anno 800. in expeditione, a Pipino rege iussu Caroli in fines Beneventanorum ducta; de qua v. Annales Lauriss. et Einharto tributos 800 (SS. I, 188. 189). J. Cf. infra ep. 218. 7) regicne. 8) Turonensibus sine dubitatione. Neque ullo modo probabilis mihi
 45 videtur Mabilionis sententia, qui in Annal. ord. S. Bened. II, 337 de ipsius et remotissimae et Carolo inimicissimae urbis Beneventanae ecclesia cogitat. J. 9) Turonensis.